

Дорофеева Ирина

Муниципальное бюджетное
общеобразовательное
учреждение «Старочамзинская
основная общеобразовательная
школа» Большеигнатовского
муниципального района
Республики Мордовия

8 класс

431675, Республика Мордовия
Большеигнатовский район
село Старое Чамзино ул. Западная д. 10А



Шумбрачи, вечкевикс оят!

Мон кунсолан: гайги тиринь келесь...

Зяро кеняркс совавты монь потс!

Рузось эрзянь валонть евты пелезь-


Те аволь сонзэ уцяскань ёнкс.

Бути эрзят, мейс полавтнемс келеть?

Зяро вий максы келесь эрзянь!

Кортак эрзякс, валтнэ витьсызь мелеть.

Сынь миненек-казнеть умонь шкань!



Весемеде масторонть лангсо ламо эрва кодат кельть.
Ды эрвата ломанентень эсензэ келезэ маряви сехте
мазыекс, сехте гайгицякс, сехте парокс ды шождынекс.
Монень жо сатотсь часия чачомс ды касомс эрзянь
велесэ, эрзянь ломань ютксо, эрзянь семиясо. Мон
содан, што монь келем кандови финно-угорской
раськентень. Тозонь, эрзянь ды мокшонь кельтнеде
башка, совить ламо лият кельть. А мон вана неть
кельтнень ютксто содаса ды кортан эрзянь кельсэ. Ды
алкукс, монень сон маряви сехте мазыекс.



**На Мордрваких огромных просторах,
Есть зелёный затерянный рай.
Это светлый, уютный и скромный,
Мой любимый Игнатовский край.**

БОЛЬШОЕ
ИГНАТОВО
ИГНАДВЕЛЕ

Мон эрян эрзянь а покш велинесэ. Те веленть лемезэ - Ташто Чамза. Сон ашти Игнатбуесэ. Минек велемек кезэренъ ды пек мазый. Веленть эрицятне весе кортыть эрзянь кельсэ. Эрить сынъ весе ладнойстэ. Минь эсь семьясонок кортататанок ансяк эрзякс, ды те келесь монень пек вечкеви. Те кельсэнтъ кортасть сеть ломантне, конат нолдымизь минек, минек тетянок-аванок мастор лангс. Сынъ казить тенек келенть мазычинзэ эрямонтъ васенце читнестэ саезь.



Чамза велем.

Тиринь велем!

Чамза велем!

Тонде морамс ули мелем.

Мон вечксынъ тонъ келей
ульцянт,

Эръкентъ, пирентъ ды обуцянт,

Мон вечкса тонъ тундонъ
коштот,

Ловонъ шушмонт, вирень
пусмонт.

Кизна цецят перькат касыть,
Ламо суро паксянт максыть.

Тонъ эрицянт вадря ломантъ,
Мазый тейтерть, шумбра церат.

Тон васолат покш оштнеде,
Свал сюзават паро тевде.

Вадря куля эйстэть моли,

Зярдояк мелем а моли


Тонде морамс, Чамза велем,

Вечктян тонъ ды эрзянь келем!





Мон ещѐ
тиринь келем
вечкса сень
кисэ, што монь
авам, Галина
Александровна,
эрзянь келень
тонавтыця. Сон
тонавты весе
эйкакштнесэ
содамс ды
вечкемс эсь
тиринь
келенек, чачома
масторонок.



Минек школасо эйкакштне пек сеедьстэ сёрмалить сочиненият,
складить стихть, ёвкст, ёвтнемат эсест тиринь кельсэст,
налксить сценкат, пьесат. Ды весе тень эйсэ тонавтыцятне
теить покш мельспаросо. Монгак а аштян ве ёно. Пек вечкан
тиринь кельсэнъ ловномо, морамо.



**Мон арсян, што валтнэ, тиринь келем ды тиринь
авам, пек малавикст. Кода вишка пингестэ саезь,
эйкакшось а эряви тиринь кельтеме ды тиринь ававтомо.
Ды, кода кортыть покш ломантне, косо бу ломанесь
аволь эря, кодамо бу сюпав сон аволь уле, седеесь свал
терди тов, косо сон чачсь, кайсь, косо сон кортась вишка
пингестэ саезь эсензэ тиринь кельсэнзэ. Свал ули
мелеть васодемс эйкакшпингень таркатнень марто,
ялгатнень марто, чамдомс седеенть малавиксэнтъ
туртов ды кортамс, кортамс эсь тиринь кельсэть.
Пештямс ойменть валдочисэ , мельспаросо.**



**Эряви ванстомс эрьва валонть, кона
пачкодсь тенек пингетнень пачк, конань
эйсэ невтезь туезетнень эрямо, мелест-
арсемаст. Минек тевесь – пачтямс тиринь
келемек, минденек мейле эрицятнень,
теке питней казне.**

**Юты шкась, кеверезь кевери. Тиринь
авам, чачома велем, тиринь келем!
Мон арсян, што покшто касозьгак мон
тынк зярдоак а стувттадызь. Эрядо
весе куватьс-куватьс!**